



KOMUNIKADO PA PRENSA

Fecha

22 di òktober 2018

Persona di kontakto

Felip Guanipa

Email

felip.guanipa@gobiernu.cw

Situashon di brùg no ta forma un peliger pa outomobilista

Willemstad – Koniging Julianabrug ta un di e vianan mas importante di e ret di kayanan di Kòrsou. Pa e motibu aki ku preokupashon Servisio pa Obra Públiko (OW) a tuma nota di e potrètnan i video ku a sali den medionan di komunikashon den kua ta krea e impreshon ku brùg lo ta den un mal estado.

OW enfátikamente ta desmentí esaki i ta informá komunidad ku e estado di e konstrukshon di stal di Koningin Julianabrug ta bon i stabil. Na sierto áreanan chikitu por konstatá frus, pero esakinan no ta afektá e seguridat ni stabilidat di e brùg.

Motibu di frus konstatá na algun parti di e brùg ta e echo ku e brùg ta den un ambiente agresivo di salpeter di laman i di rùst ku outonan ta produsí.

Konforme e programa di mantenshon di e brùg na 2013 a drecha e superfisie di asfalt riba e brùg. Tambe a drecha e vangrail riba brùg.

2019 lo start un proyekto pa konservashon total di e brùg. E proyekto aki lo dura 3 aña, pues 2019 te ku 2021. Lo eliminá tur frus for di e ‘koker’ di e brùg, e ‘leuning’, i e pianan. Lo atendé debidamente ku tur frus. Lo usa e métodonan di ‘waterstralen’ pa kita tur frus pa despues apliká diferente man di fèrf duradero pa protehá e brùg. Na 2002-2004 a hasi mantenshon grandi i e aña benidero ta conforme e siklo pa bolbe hasi esaki, pues e siklo di kada 15 aña pa mantenshon grandi.

Ta importante pa menshoná ku inspekshon ta sosodé huntu ku ekspertonan di Hulanda. Konseheronan di Rijkswaterstaat Hulanda ta sostené OW den e trayekto.

OW lo duna informashon debido na momentu ku e proyekto aki ta bai kuminsá. Un biaha mas OW ta enfatisá ku e brùg ta seif pa kore riba dje.